



## МЕСЯЦА ИЮЛЯ В 5-й ДЕНЬ

Обрѣтение честныхъ мощей  
преподобнаго и Богоноснаго отца нашего  
Сѣргія, игумена Радонежскаго  
и всея Россіи чудотворца

НА МАЛОЙ ВЕЧЕРНИ

На Господи, воззвах: стихіры на 4, глас 1.

Подобен: Небесныхъ чинѡв:

**Н**ебесныхъ чинѡв радование / и на землі чело-  
вѣковъ весѣлие, / в наставшее нынѣ  
торжество / честнаго обрѣтения чудотвор-  
ныхъ мощей / во отцѣхъ великаго и преподоб-  
наго Сѣргія, / того молитвами, Христѣ, спаси души  
наша.

**И**же на Небесіи чловека Божія / и на землі  
Ангела суща с плотию, / Богу от чрева матерня  
освященнаго блаженнаго Сѣргія, / днесь наста  
обрѣтение чудотворныхъ мощей / и созываетъ все  
церковное исполненіе / возсылати славу Христу  
Богу.

**В**ыспрь на Небесіи Ангели радуются, / и нizu на  
землі чловецы ликовствуют, / и Церковь Божія,  
украшаема, веселится / о преславномъ пренесеніи  
честныхъ мощей твоихъ, / отче Сѣргіе, Христу  
вопиюще: / Ты ми держава, Христѣ, и утвержде-  
ние.

Слава, глас 6:

**П**риидите, вси концы земнии, радующесе, / псал-  
мы и пѣснями духовными / честное пренесеніе

заступника нашего благочестно восхвалим / и, обстоюще честную его и чудотворную руку, / на помощь того призываем, сие глаголюще: / преблаженне отче Сергие, / даруй отечеству нашему / и духовному стаду твоему / твоими молитвами пособие на враги, / и отечество миром оградь, / и воя его на сопротивныя укрепи, / и спаси души наша.

### На стиховне стихиры, глас 2.

Подобен: Дому Евфрафов:

Дом Духа Пресвятаго / был еси, отче, / и нас молитвами твоими / вселение покажи Святей Троице, / Богомудре Сергие и пребогате.

**Стих:** Честна пред Господем / смерть преподобных Его.

Приидите, вернии, радуящиеся, / и внидем в церковь в веселии сердца, / облобызающе честныя мощи Сергия Богомудраго, / исцеление и грехов прощение приемем / молитвами его.

**Стих:** Блажен муж, бойся Господа, / в заповедех Его восхощет зело.

Прими пение / чад твоих, Сергие отче, / и поющим обречение мощей твоих / и любящим тя / подавай еже на пользу прошение.

### Слава, и ныне, Богородичен, глас и подобен тойже:

Вспни лица, / Богородице Дево, / поют с нижними, / славяще непрестанно / рождество Твое пречистое.

**Тропарь писан на велицей вечерни.**

НА ВЕЛИЦЕЙ ВЕЧЕРНИ

### На Господи, возвах: стихиры на 8, глас 4.

Подобен: Званный свыше:

Егда прежде рождества твоего / прииде зачешая тя в церковь Божию, / тогда во чреве ея трикраты возгласил еси, / Троицу прославляя, Богомудре отче Сергие. / Прежде мирскаго познания Бога познал еси, / паче же Богом познан был еси, преблаженне. / Проявляя всем хотящая быти на тебе / Божия благодати сияние / и светлостью лица твоего / показуя душевную и телесную чисто-

тú, / еяже ра́ди избра́нный сосúд быв Христа́ Бо́га  
нашего, / Егóже моли́ спасти́ и просвети́ти ду́ши  
на́ша.

**Е**гда́ Бо́жие рачéние найде на тя, / Богомúдре и  
всеблаже́нне о́тче Сэ́ргие, / тогда́ вся сýщая в ми́ре  
преобидел еси́, / и, Христа́ единаго от ду́ши  
возлюбив / и Того́ живонóсным стопа́м послéдуя, /  
пусты́ню достíгл еси́, / и, сию́ насéяв сэменем  
трудо́в твои́х / и напои́в туча́ми слез твои́х, /  
умно́жил еси́ плоды́ добродéтелей, / и, те́ми напи́-  
та́в ча́да, / привёл еси́ я́ Христа́ Бо́гу. / Егóже моли́  
спасти́ и просвети́ти ду́ши на́ша.

**Е**гда́ Божéственный глас / услы́шал еси́, Бого-  
мудре, глаго́лющ ти: / се Пречы́стая грядёт, / тогда́  
во мно́зе по́двизе приле́жне моли́лся еси́, / я́ко да  
сподо́бишися о́наго стра́шнаго посещéния. / И  
а́бие пресвётлый па́че со́лнца свет / осия́ ты,  
преподо́бне, / и Влады́чицу Богома́терь разúмныма  
и телесны́ма очы́ма / видети сподо́бился еси́ / и То́я  
сла́дкий глас ушы́ма внуши́л еси́, речéнный: /  
неотстúпна бúду от мéста сего́, / и не имать  
оскудéти обителъ тво́я. / Ю́же моли́ спасти́ и  
просвети́ти ду́ши на́ша.

**Е**гда́ приспé вре́мя / е́же к Бо́гу отшéствия  
твоего́, / тогда́, я́ко звезда́ пресвётлая, / востéкл еси́  
в Небесны́я обители, / и та́мо с ли́ки святы́х  
Престо́лу Единосу́щныя Трóицы предстои́ши; /  
блаже́нное же и честнóе тéло твоё, / на мно́га лéта  
землею́ покровéно б́ввшее, / ны́не от земли́ изда́в-  
шеся, чудéс зарю́ испу́щает / чтúщим обрéтение  
твоё, Богомúдре Сэ́ргие. / Отéчеству на́шему на  
сопроты́вныя побéды да́руй / и всем вёрным грехо́в  
прощéние испроси́ / у Христа́ Бо́га на́шего, / Егóже  
моли́ спасти́ и просвети́ти ду́ши на́ша.

### Сла́ва, глас 8:

**П**рииди́те, вси вёрнии россия́стии собóри, / и  
наслади́мся ны́нешняго свётлаго торжества́, / при-  
иди́те, священны́х исполнэ́ние / и мона́хов сосло́-  
вие, / и видите, ка́ко Цэрковь Бо́жия украша́ется, /  
псалмы́, и пэ́снями, и пэ́нями духо́вными исполня́-  
ема. / Честна́я же и сла́вная обителъ Богоблаже́н-  
наго отца́ Сэ́ргия, / весéлия и ра́дости исполня́ема /

во обрѣтение честныхъ мощей его, / хвалящися, вселѣнную созываетъ / радостно вопити Господеви: / Ты даровалъ еси, Владыко Христе, / отечеству нашему крепкаго воина, / и непобедимое оружье на невидимыя и видимыя враги, / и христоименнымъ людемъ сокровище неистощимо / неисчерпаемыхъ дарований. / Того молитвами подаждь душамъ нашимъ велию милость.

**И ныне, Богородичен.**

**Вход. Прокимен дне. И чтенія.**

**Притчей чтеніе (главы 10 и 8):**

**Память праведнаго с похвалами, и благословеніе Господне на главѣ его. / Блаженъ человекъ, иже обрете премудрость, / и смертен, иже уведетъ разум. / Лучше бо сию куповати, нежели злата и сребра сокровища. / Честнейшая же есть каменій многоценныхъ, / все же честное недостойно ея есть. / Долготѣ бо дней и лета живота в деснице ея, / в шуйце же ея богатство и слава. / От уст ея исходитъ правда, / законъ же и милость на языке носитъ. / Послушайте убо мене, о чада, честная бо реку, / и блаженъ человекъ, иже пути мой сохранитъ: / исходи бо мой, исходи живота, / и уготовляется хотеніе отъ Господа. / Сего ради молю вас, и предлагаю мой гласъ сыновомъ человеческимъ, / яко азъ, премудрость, устроихъ советъ, / и разумъ, и смыслъ азъ призвахъ, / мой советъ и утверждение, / мой разумъ, моя же крепость. / Азъ мене любящия люблю, / ищущи же мене обрящутъ благодать. / Разумейте убо, незлобиви, коварство, / ненаказаннии же, прилагайте сердца. / Послушайте мене и паки: / честная бо реку / и отверзу отъ устенъ правая, / яко истинѣ поучитъ гортань моя, / мерзки же предо мною устны лживыя. / С правдою вси глаголы уст моихъ, / ничтоже в нихъ стропотно, ниже развращенно. / Вся права суть разумевающимъ / и проста обретающимъ разумъ. / Научаю бо вас истинѣ, / да будетъ о Господѣ надежда ваша, / и исполнитесь Духа.**

**Притчей чтеніе (главы 10 и 11):**

**Уста праведнаго каплютъ премудрость, / языкъ же неправеднаго погибнетъ. / Устны мужей праведныхъ**

ка́плот благода́ти, / уста́ же нечести́вых развра-  
ща́ются. / Ме́рила льсти́вая ме́рзость пред Госпо-  
дем, / вес же пра́ведный прия́тен Ему́. / Иде́же а́ще  
вни́дет досаждéние, та́мо и безчести́е, / уста́ же  
смирéнных поуча́ются премудрости. / Соверше́ние  
пра́вых наста́вит их / и поползнове́ние отрица́-  
ющихса упасéт их. / Не пользуют имéния в день  
я́рости, пра́вда же изба́вит от сме́рти. / Умер  
пра́ведный, оста́ви раская́ние, / нару́чна же быва-  
ет и посмея́тельна нечести́вых па́губа. / Пра́вда  
непорóчнаго исправля́ет пути́, / в нечести́е же  
па́дает неправда. / Пра́вда муже́й пра́вых изба́вит  
их, / безсовéтием же пленя́ются беззакóннии. /  
Сконча́вшуся му́жу пра́ведну, не поги́бнет наде́ж-  
да, / похвала́ же нечести́вых поги́бнет. / Пра́вед-  
ник от лóва убе́гнет, / в него́же ме́сто преда́ется  
нечести́вый. / Во устéх нечести́вых сеть гра́ждан-  
ном, / чу́ство же пра́ведных благоспéшное. / Во  
благих пра́ведных испра́вится град, / и в поги́бели  
нечести́вых ра́дование. / Во благослове́нии пра́-  
вых возвы́сится град, / усты́ же нечести́вых раско-  
па́ется. / Руга́ется гра́жданом лише́нный ра́зума, /  
муж же му́дрый безмо́лвие во́дит.

### Премудрости Соломо́ни чтéние (глава́ 3):

Пра́ведных ду́ши в руце́ Бо́жией, / и не прикóс-  
нется их му́ка. / Непщевáни бы́ша во очесéх  
безу́мных умре́ти, / и вмени́ся озлобле́ние исхо́д  
их, / и е́же от нас шéствие — сокруше́ние, / о́ни же  
суть в ми́ре. / Ибо́ пред лицéм челове́ческим а́ще и  
му́ку при́мут, / упова́ние их безсме́ртня исполне-  
но. / И вма́ле нака́зани бы́вшие, вели́кими благоде́-  
тельствования́ бу́дут, / я́ко Бог искуси́ я и обре́те их  
досто́йны Себе́. / Я́ко зла́то в горни́ле, искуси́ их /  
и, я́ко всепло́дие же́ртвенное, прия́т я. / И во вре́мя  
посещéния их возсия́ют / и, я́ко йскры по сте́блию,  
потеку́т. / Су́дят язы́ком и облада́ют людьми́, / и  
воцаря́тся Госпо́дь в них во ве́ки. / Наде́ющиеся  
Нань разуме́ют йстину / и ве́рнии в любви́ пребу́-  
дут Ему́, / я́ко благода́ть и ми́лость в преподо́бных  
Его́ / и посещéние во избра́нных Его́.

### На литіи стихиры, глас 6:

**Приидіте,** празднолюбцы / и по́стников сосло́вие, / véрою соше́дшеся, / и́стиннаго по́стника почт́им днесь, Сѣргія, / с весѣлием шѣствовавшего по стопам Влады́ки своего / узкий путь и безстра́стную жизнь, / и véрою возопи́им: / о всеблаже́нне! / Преподо́бным сожителю и по́стником похвало́, / о нас моли́ся ко Го́споду, / поми́ловатися душам́ нашим.

**Преподо́бне** и Богоно́се Сѣргіе, / любве́ ра́ди Христо́вы вся оста́вил еси́ / и, в пусты́ню вше́д, / ника́коже убо́ялся еси́ невидимых враг кова́рства, / а́ще бо и мно́гажды приидо́ша на тя, / скрежетáнием зубным́ я́рость показу́юще, / ты же моли́твами твоими́, / я́ко дым, без вѣсти сих сотвор́ил еси́. / О, непоро́чныя твоея́ души́ / и крѣпкаго терпѣния твоего́! / Христа́ непреста́нно моли́ спаст́ися душам́ нашим.

**Росси́йская** у́бо всеосвяще́нная и вели́кая Це́рковь / с правосла́вными лю́ди, / мона́си же и прости́и, / ева́нгельских исто́чник струя́ми напои́вшеся, / духо́вно весели́мся / в наро́চিতом пра́зднице / до́браго па́стыря и учи́теля, / и, целѣ́бныя егó мо́щи обсто́яще, любѣзно облобыза́ем, / и сих, я́ко цвѣты, пѣсньми и хвала́ми увязѣм, реку́ще: / ра́дуйся, Сѣргіе блаже́нне, / Небе́сный чело́вече, земный́ Ангеле / и Ду́ха Свята́го обите́ль. / Ра́дуйся, я́ко мно́гих ко спаса́тельному пути́ наста́вил еси́. / Ра́дуйся, во́инству нашему́ похвало́ и утвержде́ние, / преподо́бне Сѣргіе Богоприятне, / оте́честву твоему́ пресвѣтлы́й светильниче / и моли́твенниче о душа́х наших.

**Глас 1:** **Приидіте,** священных собо́ри / и правосла́вных исполне́ние, / приидіте, мона́хов совокупле́ние, / и вни́дем, раду́ющеся, в це́рковь Бо́га нашего́, / и чудотво́рную ра́ку преподо́бнаго отца́ Сѣргія объ́ем радостно, / я́ко чудес сокро́вище неизъѣмлемо, / и, честны́я егó мо́щи любóвию лобыза́юще, / различных неду́г свободи́мся, / и душам́ спасе́ние при́йдем, вопи́юще ему́: / о всеблаже́нне о́тче Сѣргіе, / моли́ Преблага́го Бо́га нашего́ / дарова́ти посóбие на враги́ оте́честву нашему́, / и спасти́ ду́ши наша.

**Д**несь веселится небо свыше, / и земля радуется с человеки, / и да ликовствуют новоизбранныи российскийсти собори, / и светло торжествуют монастышеская совокупления, / святая же Церковь Божия и дивная в правду, / яко пресветлыми зарями просвещается, / многих чудес наполняющихся / от честных и многоцелёбных мощей преподобнаго отца Сергия, / всю вселенную созывает похвалити подвиги его. / Тем вси, сошедшеся, / того обречение в песнях и пениях весело празднующи, / воспоем Христа Бога нашего, / да подаст нам молитвами его мир и велию милость.

**Н**аста днесь светлое торжество / пренесения мощей Богоблаженнаго отца Сергия: / приидите, вси вернии, / Церковь Божию песнями венчаем / и в ней прославим в Троице певаемаго Христа Бога нашего, / вопиюще и глаголюще: / Ты даровал еси, Владыко Христе, Твоего угодника, / граду нашему Москве твердую стену, / и всем российским странам крепкаго предстателя показал еси, / и христомысленным людем таковаго чудесоподателя, / и молитвенника о душах наших.

### Слава, глас 6:

**П**риидите, монастышующих множество днесь, / Сергия, благочестия подражателя, / песнями и пеньми восхвалим / и, честную его и многоцелёбную раку обстояще, / любезно облобызаем, глаголюще: / радуйся, преславне Сергие, / отечеству твоему пресветлый светильниче. / Радуйся, яко чисте чистейшему Свету совокуплься. / Радуйся, яко Троице предстоиши со Ангелы, / Юже непрестанно моли / даровати душам нашим велию милость.

### И ныне, Богородичен.

#### На стиховне стихиры, глас 4.

Подобен: Дал еси знамение:

**Д**ал еси украшение Церкви Твоей, Господи, / честных и многоцелёбных мощи / преподобнаго Сергия, Твоего угодника, / и, яко утварь царскую имущи, красуется, / и, яко венец пресветлый носящи, веселится, / созываючи своя чада, / ихже

водою и дѹхом евангельски породѣ./ Тѣмже Твое  
человеколѹбное смотрѣние славим,/ Иисусе  
Человеколѹбче/ и Спасе душ наших.

**Стих:** Честна пред Господем/ смерть преподоб-  
ных Его.

Дал еси державу необориму/ царствующему  
граду Москвѣ, Господи,/ и всем Россійским стра-  
нам утверждение,/ честней же обители Твоей  
твѣрдое укрепление/ и стѣну непоколебиму—/  
цельбоносныя и святыя мѹщи/ преблаженнаго  
Сѣргия, Твоего рачителя./ Тем Твоя человеколѹб-  
ныя щедрѹты славим,/ Иисусе Всесильне/ и Спасе  
душ наших.

**Стих:** Блажен муж, бойся Господа,/ в заповедех  
Его восхощет зело.

Дал еси Россійскому отечеству, Господи,/ твѣр-  
дое защищение, и оружье спасения,/ и воем его  
великое на сопротивныя одоление,/ святителем  
же честное украшение/ и всем болящим врачев-  
ство безмѣдно—/ святыя мѹщи преподобнаго и  
треблаженнаго Сѣргия,/ ихже ныне радостно  
облобызаем,/ исцеления различная приемлюще./  
Твое неизреченное милосердие славим,/ Иисусе  
Благосерде/ и Спасе душ наших.

### Слава, глас 8:

Монахов множества,/ наставника тя почитаем,  
отче наш Сѣргие:/ твоєю бо стезею войстинну  
право ходити познахом./ Блажен еси, Христу  
работав,/ и вражю обличил еси силу,/ Ангелов  
собесѣднике, преподобных сопричастнике и пра-  
ведных,/ с нимиже молися Господеву/ помилова-  
тися душам нашим.

**И ныне, Богородичен: Безневѣстная Дѣво:**

На благословении хлѣбов тропарь преподобнаго дважды  
и Богородице Дѣво: единожды.

### Тропарь преподобнаго, глас 8:

**О**т юности восприял еси Христа в души твоей,  
преподобне,/ и паче всего вожелел еси мирс-  
каго мятѣжа уклонитися:/ мужески в пустыню  
вселѣлся еси/ и чада послушания в ней, плоды



смирения, возрастил еси. / Тем, быв Троице вселение, / чудесы твоими всех просветил еси, приходящих к тебе верою, / и исцеления всем подай обильно. / Отче наш Сергие, моли Христа Бога, да спасет души наша.

**Ин тропарь, глас 4:**

**Д**несь пресветло красуется царствующий град Москва, / яко светолучными зарями, молниями чудес твоих осияемь, / всю вселенную созывает / похвалити тя, Богомудре Сергие; / пречестная же и славная обитель твоя, / юже во Имя Святыя Троицы многими труды твоими создал еси, отче, / имущи в себе стада ученик твоих, / веселия и радости исполняется. / Мы же, празднующе преславное обречение честных мощей твоих, в земли сокровенных, / яко цвет благоуханен и кадило благовонно, / любезно я лобызающе, различная исцеления приемлем / и твоими молитвами грехов прощения сподобляемся, / отче преподобне Сергие, / моли Святую Троицу / спасти души наша.

**НА УТРЕНИ**

**На Бог Господь: тропарь преподобнаго, дважды. Слава, и ныне, Богородичен.**

**По 1-м стихословии седален, глас 1.**

**Подобен: Камени запечатану:**

Приспе днесь память твоя, отче Сергие прехвальне, веселящи избранное твое стадо, / в нюже честно празднуем обречение святых твоих мощей / и радостно величаем Христа Бога, / чудес благодать тебе даровавшего, вопиюще: / слава Давшему ти крепость, / слава Венчавшему тя, / слава Давшему тобою всем исцеление.

**Слава, и ныне, Богородичен:**

Гавриилу вещавшу Тебе, Дево, радуйся, / со гласом воплощашеся всех Владыка, / в Тебе, святем кивоте, якоже рече праведный Давид, / явилася еси ширшая Небес, поносивши Зиждителя Твоего. / Слава Всельшемуся в Тя, / слава Прощедшему из Тебе, / слава Свободившему нас рождеством Твоим.

### По 2-м стихословии седален, глас 1.

Подобен: Гроб Твой:

Великий пастырь наш ныне да похвалится, / монашеский пресветлый столп да воспоеется псеньми, / просвещая нас чудес светлостью, от пречестных его мощей исходящими, / и яко росодательный облак, погашая пламень страстей наших / и орошая верных разумы, Божественный Сэргий.

### Слава, и ныне, Богородичен:

Упование христиан, Пресвятая Дево, / Егже родила еси, Бога, паче ума же и слова, / непрестанно моли с Вышними силами / подати оставление грехов наших всех и исправление жития / верою и любовью присно Тя славящим.

### По полиелеи седален, глас 3.

Подобен: Красоте девства:

Милостивому Христову угоднику, пастырю нашему и учителю, / вси тебе прилежно молимся, и любовью облобызаем мощи твои честныя, / и радостью от души вопием: / разруши поганых нашествия, и покорй под нозе воинству нашему, / и разорй облак страстей наших, / и бесовская мечтания прогонй от стада ученик твоих, / и всяческих избави искушений любовью ты поющих, Сэргие преподобне.

### Слава, и ныне, Богородичен:

Недомысленно и непостижимо есть, Владычице Богорадованная, / еже соделанное на Тебе страшное Божие таинство: / ибо Необыкновенного, зачещи, родила еси, / плотию обложена от пречистых кровей твоих, / Егже всегда, Чистая, яко Сына Твоего моли / спастися душам нашим.

Степенна, 1-й антифон 4-го гласа. Прокимен: Честна пред Господем / смерть преподобных Его. Стих: Что воздам Господеву о всех, / яже воздаде ми? Всякое дыхание: Евангелие от Матфея, начало 43.

### По 50-м псалмѣ стихира, глас 8:

**Преподобне отче,** / міра красоты и пици временныя отнюд возненавидел еси, / монашеское житие паче возлюбив, / и Ангелом собесѣдник быти сподобился еси / и светильник многосвѣтлый Россійския земли, / чудесы, якоже второе солнце, сияя, / но всех нас поминай, совершающих священную память твою. / Мы бо чада твоя и овцы словесных твоих учений / и ты на помощь призываем, / просяще тобою прияти мир и велию милость.

**Канон Богородицы со ирмосом, на 6 (зри страницу 318). И преподобнаго Сергія на 8, глас 4.**

### Песнь 1

**Ирмос:** *Пределил есть пучину чермную Бог, / фараона погрузивый в ней, / провед Моисея немокренно в пустыню / и одождив манну в снѣд людем израилевым, / яко силен.*

Свѣтом Твоего трисолнечнаго Божества, Содетелю мой, / просвети помраченныя очи души моея, молю Ти ся, / и очисти сердце мое, да возмогу пѣти обрѣтение / честных мощей преподобнаго Сергія, Твоего рачителя.

Даждь ми слово, Слове Божий, во отверзѣние уст моих, / и уясни ми язык, Милостиве, и не поминай грехов моих множества, / да, Твоею благодатию наставляемь, / возмогу пѣти преподобнаго Твоего Сергія.

Якоже во чреве матери проглашеніем Троицу проповѣдал еси, / тако и Та прослави тя: / како на многа лета сокровены землею честныя мочи твоя нетленны обретошася, / благоуханія вкупе же и чудес верных исполняюще.

**Богородичен:** *Пречистая Владычице, Небесных сил превѣшшая, / породившая Спаса, всех Содетеля, единосущна Отцу и Духу, / даждь нам слово, Препѣтая, яко да возможем пѣти Тя, / сущую Заступницу рода нашего.*

**Катавасія:** *Отверзу уста моя:*

### Песнь 3

**Ирмос:** *Да не хвалится мудр, хваляйся, / но о сем, еже разумевати, / яко несть свят, яко Бог наш, /*

возносяй рог наш, / дайй крѣпость царѣм нашим.

**Крестá** Господня силою укрепляясь, / страсти душевныя и плотское мудрование дѹху покорил еси, / и сего ради Дѹху Пресвятому прекрасная обитель быв / и нераздельныя Троицы избранно побище.

**Житиём** твоим, еже в мире сем, образ быв всем, / от души Христу поработившимся, / чистотою же, яко солнце, просиял еси / и сего ради стократное воздание от рукѹ Вседержителя приыл еси, Богомудре Сергие. / Темже ты радостно ублажаем.

**Приидите**, снѣдемся в настоящее ныне торжество, / узрим, и радости исполнимся, и Христа да прославим, / тако прославляюща Его прославляющих, / и нам стѣну небориму и чудес подателя даровавшаго, / Богоблаженнаго Сергия.

**Богородичен:** Благодарение, вкупе же и пение, Богомати, радуйся, приносим Ти, / яко родила еси плотию Бога Вседержителя, / твердую Предстательницу Тебе христианом даровавшаго.

### Ин кондак, глас 8:

**В**зирающе на предлежащий честный твой гроб, / в немже скрыся, яко многоценное сокровище, святое трудолюбное твоѣ тело чистоты, / мы, чада твоя сѹще жалостная, / в удивлении един со единым вещающе, воиѣм: / отче наш Сергие, моли Святую Троицу / и нам спастися, твоим чадом.

### Седален, глас 8:

**Житейское** море преплыл еси многим воздержанием / и пристал еси в тихое пристанище, в Небесныя обители, / яко звезда светозарна, сияеши / и, яко солнце незаходимое, молниями чудес твоих вселенную всю просвещаети / и озаряеши стада ученик твоих, / всем верным даруеши грехов прощение, и жития исправление, / и еже на сопротивныя одоление, / яко да, радостно обстоюще честную и многоцелѣбную раку, / любезно лобызаем святыя мѹщи твоя и, яко отцѹ чадолобиву, воиѣм ти: / Богомудре и преблаженне отче Сергие, моли Святую Троицу, / Ейже в житий сем поработал еси, / грехов оставление

даровати / чтущим любовию обрѣтение честныхъ  
мощей твоихъ.

### **Слава, и ныне, Богородичен:**

**Я**ко Дѣву и едину в женахъ, Тя, без семене  
рождшую Бѣга плотию, / вси ублажаемъ, роди  
человѣчести: / Огнь бо вселѣся в Тя Божества, / и,  
яко Младенца, млекѣмъ питаеши Зиждителя и  
Господа. / Темъ, ангельский и человѣческий родъ,  
достойно славимъ пресвятѣе рождество Твое / и  
согласно вопиѣмъ Ти: / моли Христа Бѣга согрѣшен-  
ный оставление даровати / поклоняющимся верою  
пресвятому рождеству Твоему.

### **Песнь 4**

**Ирмос:** *Небеса добродѣтель Твоя покрѣла есть, /  
и земля исполнися славы Твоея, Христѣ. / Темже  
верно вопиѣмъ: / слава силѣ Твоей, Господи.*

**О**т утробы матери Бѣгу прилепился еси, бла-  
женне отче Сергѣе, / и зачало мудрости — страхъ  
Божий в сердце твоѣмъ имѣлъ еси, / корень и  
основание всехъ благихъ, нищету духовную возлюб-  
ивъ. / Сего ради Владыка Христосъ чудесы обога-  
тилъ ты еси.

**Я**ко кринъ благовонный, от земныхъ недр издаша-  
ся честныя мѣщи твоя, преблаженне Сергѣе, / и,  
яко сокровище, чудесъ зарю испущаютъ, / веселяще  
духовная чада твоя.

**Д**несь радуется царствующий градъ Москва, и  
веселия исполняется вся вселенная, / честная же  
обитель твоя, Богоблаженне Сергѣе, хвалящися,  
украшается, / имѣющи в себѣ честныя мѣщи твоя,  
яко сокровище неоскудное и пречудное.

**Богородичен:** *Дѣво Господоименитая и Царице  
всея твари, / многими пророки пронареченная, /  
рождающая Царя Небесныхъ силъ, / даждь, Господже,  
побѣду на враги воинству нашему / и Царствия  
Небеснаго всехъ насъ сподоби молитвами Твоими.*

### **Песнь 5**

**Ирмос:** *Часть моя еси, Господи, / и слава лица  
моего: / Ты бо мя из тмы неведения / единъ избавилъ*

*еси Богоразумием. / И Тебе молюся, Христэ: / даруй рабу Твоему мир, / яко Человеколюбец.*

**Я**же в Троице Бога нашего Свята́я Церковь и дивная вправду светло красуется, / всенародное множество духовне радуется, зряще тя, Богомудре Серге́е, / рука́ма архиере́я Божия че́стно вземлема и на плещу́ священных носима.

**П**осещения́ ради Богома́тере радости исполнився, / свет был еси́ ста́ду твоему́ и наставля́ник но́вому Изра́илю, / преводя́ нас, о́тче, от земли́ к Небесным обителем, / иде́же ны́не наслажда́еши́ся неизреченны́я свѣтлости.

**М**атерня утроба освятис́я че́стным зачатием твоим, / сла́вный же град Ростóв просветис́я рождеством твоим, / вели́кая же твоя́ и многосла́вная обитель просла́вилася по́двиги твоими, / вся же вселенная напóлнися чудес твоих, преподо́бне о́тче Серге́е.

**Богородичен:** **М**ати́ Божия́ Пречы́стая, твёрдая Засту́пнице на Тя наде́ющимся, / покрóве и страж граду́ нашему, и необорима́я стено́ святѣй обители сей, / и ору́жие спасения́ о́течеству нашему, / спаси́ всех, благоче́стно поклоня́ющихся свято́му о́бразу Твоему́.

### Песнь 6

**Ирмос:** *Да не погрузит мене́ бу́ря водная́, / ниже́ пожрёт мене́ глубина́, / отвержен бо есмь / во глубины́ се́рдца морска́го зол моих. / Тем зову́, яко Ио́на: / да взы́дет от тли зол живóт мой / к Тебе́, Бо́же.*

**О**т мла́даго вóзраста, о́тче Серге́е, Христа́ возлюбив / и Сего́ живонóсным стопа́м последуя́, ми́ра всего́ избѣгл еси́ / и достигл еси́ в незаходи́мый свет ра́зума, / иде́же ны́не дерзнове́нно Святе́й Троице предстои́ши, / Ю́же о всех нас умоли́.

**У**диви́шася во плóти жити́ю твоему́ Безплóтнии чино́ве, / и устраши́шася бесóвская́ полчи́ща от Бога да́нныя тебе́ на них победы́; / мы же прославля́ем тя, преподо́бне Серге́е, обстоя́ще ра́ку че́стных мо́щей твоих, / и велича́ем Христа́, чудесы́ ты просла́вльшаго.

**И**же любóвию и чы́стою véрою чту́щим че́стное и

славное обрѣтение святыхъ мощей твоихъ / и празднующимъ свѣтло священную пѣмь твою, / отче преблаженне Сѣргие, молитвами твоими всемъ полезная испроси.

**Богородичен:** Без семени во чреве Твоемъ зачѣнши Творца всехъ и Спасителя, Богомати Владычице, / и рождши плотию Христа Бога, / Егже молитвами Твоими милостива намъ сотвори, / и да сподобимся вси явленія Егго и Царствія.

### Кондакъ, глас 8.

Подобен: Взбранной:

**Д**несъ, яко солнце пресвѣтло, / возсиявше от земли, честныя мѣщи твоя нетленны обретѣша, / яко благоуханный цвѣтъ, множествомъ чудесъ сияюще, / и всемъ вѣрнымъ источающе различная исцелѣнія, / и веселяще избранное твое стадо, / еже мудре собравъ, добре пѣствилъ еси. / О нихже и ныне Троице предстоиши, моляся, / и воинству победительная на враги даровати, да вси вопиѣмъ ти: / радуйся, Сѣргие Богомудре.

### Икос:

Сущая в мѣре преобидевъ, / премирная и нетленная селѣнія, отче Богомудре, стяжалъ еси / и, незавѣстными дарми от Вседержительныхъ десницъ по числу добродѣтелей обогатився / и венцемъ почести, яко победитель, венчався, / чудесы всехъ обогащаеши, поющихъ ти сице: / радуйся, Богоблаженне Сѣргие. / Радуйся, иже прежде рождѣнія твоегго трикрѣты проглашеніемъ прославивый Святую Троицу. / Радуйся, яко от младенства твоегго избранный сосудъ быв Пресвятому Духу. / Радуйся, мирскую красоту и славу, яко умѣты, вменилъ еси. / Радуйся, яко вселивыйся в пустыню. / Радуйся, яко градъ, сию сотворилъ еси. / Радуйся, яко в ней храмъ пречѣстенъ в похвалу Святыхъ Троицы воздвигнувый. / Радуйся, яко славному и превелику обитель в славу Божию создалъ еси. / Радуйся, яко в ней множества монашествующихъ собравъ, Господеву привелъ еси. / Радуйся, яко милостиваго посещѣнія Богоматере сподобился еси, / Той бо во плоти, яко Ангелъ, послуживъ.

Ра́дуйся, я́ко Го́сподеви мо́лишися о чту́щих  
обрéтение честныхъ мо́щей твоихъ. / Ра́дуйся, наро́-  
ду на́шему ору́жие спасéния и победíteль на  
враги́, / егóже соблюда́й вѣну и здра́ва и вéсела, /  
да вси твоé обрéтение свѣтло прáзднуем, ра́достно  
вопи́юще: / ра́дуйся, Сѣргие Богомудре.

### Песнь 7

**Ирмос:** *Не предаждь нас до конца́ Имене Твоего́  
ра́ди, / и не разорѣ́ завета́ Твоего́, / и не отста́ви  
мѣлости Твоея́ от нас, / Го́споди Бо́же отецъ на́-  
ших, / препѣты́й во вѣки.*

Бо́жиим хранéнием соблюденó бысть честное́  
тѣло твоé, Богомудре Сѣргие, / мно́гими лéты  
землею́ покровéно, цѣло и ничѣмже вредѣ́мо изы́-  
де. / Мы же, ча́да твоя́, сиé зря́ще, ра́достно  
вопи́ем: / благословéн Бог отецъ на́ших.

Весéлия рѣзою́ облечéся, ра́дости венце́м венча́-  
ся честна́я глава́ твоя́, / свѣтло вни́де в Небéсный  
черто́г Царя́ Христа́, / по́честъ приéмля трудо́в  
твоихъ, поя́ Го́сподеви: / благословéн Бог отецъ  
на́ших.

Свѣтлымъ жити́ем твоимъ сия́я, чу́дне Сѣргие, / в  
жѣзни сей, безплóтныхъ чѣны́ достѣ́гл еси́, / ны́не  
же с нѣми́ лику́еши у престо́ла всехъ Бо́га, / просѣ́  
грехо́в оставлéние дарова́ти / соверша́ющимъ любó-  
вию па́мять обрéтения честныхъ мо́щей твоихъ.

**Богорóдичен:** *Прострѣ́ моление, Пречѣ́стая Дѣ-  
во Влады́чице, / к рóждшемуся из Тебѣ́ Бо́гу  
на́шему, и Тобо́ю Ада́ма назда́вшему, / и на́ше  
естество́ обновѣ́вшу, да вси вопи́ем Ти: / благосло-  
вѣн, Пречѣ́стая, Плодъ чрѣ́ва Твоего́.*

### Песнь 8

**Ирмос:** *Вся́ческая, Влады́ко, премудростию  
Твоею́ соста́вил еси́, / земли́ же па́ки утверди́л еси́,  
я́коже вѣси, дно, / основáнием водрузѣ́вый на  
вода́х безме́рных. / Тем вси вопи́ем, воспева́юще: /  
благословѣ́те, дела́ Господня́, непреста́нно  
Го́спода.*

Веселѣ́тся днесъ Цѣрковь Бо́жия, я́ко ца́рскою  
порфи́рою одева́ющихся, / честна́я же обѣ́тель твоя́,  
Богоблаже́нне о́тче Сѣргие, / я́ко многоце́нно сок-



рѡвище, имѹщи честное тѣло твоѣ, / различна исцелѣния подающе всем, вѣрно поѹющим: / благословите, вся дела Господня, непрестанно Господа.

**С**вѣтом небесным просвещается храм Божий, / и в нем благочестивых собори радуются, видяще тя, Богоблаженне отче Сѣргие, / архиерейскими рукама носима / и от всех верных поклоняема, Христу вопиющих: / благословите, вся дела Господня, непрестанно Господа.

**С** Небесными воинствы ныне Троице предстои и с лики всех святых водворяясь, / вѣрно почитающим память твою грехов прощѣние испроси, / и свѣтло празднующим обрѣтение честных мощей твоих / спасѣние нам даруй, да, радуясь, поѣм: / благословите, вся дела Господня, непрестанно Господа.

**Богородичен:** Превѣчный во чреве Твоѣм, Дѣво Чистая, зачинается и совершенный Бог, / иже из Тебѣ, Неискусобрачная Отроковица, Младенец плотию родився, / совершен Бог и Человѣк человек видится, / сопрестолен сый Отцу и Духу: / Егѡже превозносим во вѣки.

### Песнь 9

**Ирмос:** Моисей на горѣ неопалимую купину виде, / Иосиф в вертепе неизреченное рождество слыша, / Нескверная Дѣво, Безмужная Мати, / пѣснями Тя, Богородице, величаем.

**В**зятся к высотѣ Небесней добродетельми, Богомудре отче Сѣргие, / и в веселии сердца предстоиши престолу Святыя Троицы, / не забуди чад твоих, / совершенно здравие и дивну побѣду даруй на враги воинству нашему, / да вси тя пѣснями непрестанно величаем.

**П**реславная память твоя, Богоносе, / паче луч солнечных верных просвещает, благочестно тя почитающия, / и верою и любовью поклоняющия раце честных мощей твоих, / и в пѣснях поющия тя, Богомудре Сѣргие.

**Р**укѡю мою недостойною и любовью сердечною приносимое тебѣ малое молѣние / прими, Богоблаженне отче Сѣргие, / душам нашим спасѣние, и

телесѣм здравіе, и міру смиреніе молітвами твоими даруй, / да ты множае в пѣснях величаѣм.

**Богородичен:** О Дѣво Владычице Всепѣтая, Мати Христа Бѣга нашего, / спаси вся, на Тя надеющіяся, и к Твоему заступленію притекающія, / и благочестно Тя, сущую Богородицу, / в пѣснях величающія.

### Светѣлен.

**Подобен:** Женѣ, услышите:

Днесъ сошедшеся, Небесная со земными радуются, / и верных совокупленія со священными, вкупе же и монахи, / веселія духовнаго и даров чудес твоих исполняются, преподобне Сѣргіе, / в твоѣ обрѣтеніе, славяще Господа.

### Слава, и ныне, Богородичен:

Премудрость Ипостасну, Слово Отчее Присносущное, / врача человеком — Христа рождающая, Дѣво Пречистая, / язвы и струпы сердца моего исцели, лютыя и многовременныя, / и страстная възгранаія утѣши плоти моея.

### На хвалітех стихіры на 4, глас 4.

**Подобен:** Яко дѣбля:

Яко звезда многосвѣтлая / Христа солнца незаходямаго, / зарями твоих добродѣтелей всех просвѣщаеши, / блистаніем чудес вся концы озаряеши, / Богоблаженне и Богомудре отче Сѣргіе, / верою чтущих святую память твою / и честное обрѣтеніе мощей твоих / в пѣснях свѣтло почитающих.

Яко светѣльник многосвѣтлый, / и болящим врач преизрядный, / и монашеский пастырь доброразсудный показался еси, / воинству нашему оружіе спасенія / и на враги побѣда, / и всея Россійския земли удобреніе, / и молебник верен о всех, / верою имя твоѣ, Сѣргіе, призывающих / и любовію празднующих обрѣтеніе честных мощей твоих.

Яко цвет благовонен, / и кадило благоуханія, / и яко Божественная мироположница, / запах мастей твоих во вся страны испущаеши / и молніями чудес твоих люди христоименитыя просвѣщаеши, / верою совершающія священную память твою, / преподобне и всеблаженне Сѣргіе.

### Слава, глас 6:

**Д**несь, вѣрнии христоименитии народи, сошедшеся, / радости исполнимся / и, лик составльше, духовне празднуем, / во благонароचितое торжество преподобнаго отца, / во псалмех и пѣниих Христу вопиюще: / Ты проявил еси, Владыко Христе, / последнему роду нашему / таковаго чудеса дарователя, / великаго заступника всея земли Россійския. / Но, о преподобне и Богомудре отче Сергие, / молися прилежно Христу Богу нашему / за всех, верою и любовью тя почитающих.

**И ныне, Богородичен.**

**Славословіе великое. И отпуст.**

#### НА ЛИТУРГИИ

**Блаженны от канона, пѣсни 3-я и 6-я. Прокимен, глас 7:** Честна пред Господем / смерть преподобных Его. **Стих:** Что воздам Господеву о всех, яже воздаде ми? **Апостол к Галатам, зачало 213.** Аллилуия, глас 6: Блажен муж, бойся Господа, / в заповедех Его восхощет зело. **Стих:** Сильно на земли будет семя его. **Евангелие от Луки, зачало 24.** **Причастен:** В память вечную:

#### Моли́тва первая

**О** священная главо, преподобне и Богоносне отче наш Сергие, молитвою твоєю, и верою и любовью, яже к Богу, и чистотою сердца, еще на земли во обитель Пресвятыя Троицы душу твою устроивый, и ангельскаго общения и Пресвятыя Богородицы посещения сподобивыйся, и дар чудодѣйственныхъ благодати приѣмый, по отшествии же твоѣм от земныхъ наипаче к Богу приближивыйся, и небесныя силы приобщивыйся, но и от нас духом любви своея не отступивый, и честныя твоя мощи, яко сосудъ благодати полный и преизливающийся, нам оставивый! Велие имѣя дерзновение ко Всемилостивому Владыце, моли спасти рабы Его, сущей в тебе благодати Его верующия и к тебе с любовью притекающия. Испроси нам от Великодаровитаго Бога нашего всякий дар, всем и коемуждо благопотребен, веры непорочны соблюдение, градовъ нашихъ утверждение, мира умирение, от глада и пагубы избавление, от нашествия иноплемѣнныхъ сохранение, скорбящимъ утешение,

недугующим исцеление, падшим возставление, заблуждающим на путь истины и спасения возвращение, подвизающимся укрепление, благоделающим в делах благих преспеяние и благословение, младенцем воспитание, юным наставление, неведущим вразумление, сиротам и вдовицам заступление, отходящим от сего временного жития к вечному благое уготовление и напутствие, отшедшим блаженное упокоение, и вся ны споспешествующими твоими молитвами сподоби в день Страшного суда шуйи части избавитися, десныя же страны общники быти и блаженный оный глас Владыки Христа услышати: приидите, благословеннии Отца Моего, наследуйте уготованное вам царствие от сложения мира. **Аминь.**

### Молитва вторая

**О** священная главо, преподобне отче, преблаженне авво Сергие великий! Не забуди убогих своих до конца, но поминай нас во святых своих и благоприятных молитвах к Богу. Помни стадо свое, еже сам упасл еси, и не забуди посещати чад своих. Моли за ны, отче священней, за дети своя духовныя, яко имея дерзновение к Небесному Царю, не премолчи за ны ко Господу и не презри нас, верою и любовью чтущих тя. Поминай нас, недостойных, у престола Вседержителя, и не престаи моляся о нас ко Христу Богу, ибо дана тебе бысть благодать за ны молитися. Не мним бо тя суща мертва: аще бо и телом преставился еси от нас, но и по смерти жив сый пребываеши. Не отступай от нас духом, сохраняя нас от стрел вражиих, и всякия прелести бесовския, и козней диавольских, пастырю наш добрый; аще бо и мощей твоих рака пред очима нашими видима есть всегда, но святая твоя душа со ангельскими воинствы, со безплотными лики, с Небесными силами, у престола Вседержителя предстоиши, достойно веселится. Ведуще бо тя воистинну и по смерти жива суща, тебе припадаем и тебе молимся, еже молитися о нас Всесильному Богу о пользе душ наших, и испросити время на покаяние, и о невозбранном преитии от земли на Небо, мы-

тарствъ же горьких, бѣсов, воздушныхъ князей и  
вѣчныхъ мукъ избавитися, и Небесному Царствю  
наслѣдникомъ быти со всеми праведными, отъ века  
угодившими Господу нашему Исусу Христу,  
Емуже подобаетъ всякая слава, честь и поклонение  
со Безначальнымъ Его Отцемъ и со Пресвятымъ, и  
Благимъ, и животворящимъ Его Духомъ ныне, и  
присно, и во веки вековъ. **Аминь.**

### **Молитва третья**

**О** Небеснаго гражданине Иерусалима, препо-  
добне отче Сергие! Возри на насъ милостиво и къ  
земли приверженныхъ возведи къ высотѣ Небесней.  
Ты горе на Небеси; мы, на земли низу, удалены отъ  
тебѣ не только местомъ, елико грехами своими и  
беззаконіями; но къ тебѣ, яко намъ сродному,  
прибѣгаемъ и възываемъ: наставай насъ ходити путемъ  
твоимъ, вразуми и руководствуй. Свойственно есть  
тебѣ, отче нашъ, благоутробіе и человеколюбіе: на  
земли живишу, не о своемъ токмо спасеніи бысть  
тебѣ попеченіе, но и о всехъ къ тебѣ притекающихъ.  
Наставленія твоя быша тростию книжника ско-  
рописа, на сердце каждаго глаголы жизни начер-  
тавающаго. Не телесныхъ токмо врачевалъ еси  
болѣзни, но паце душевныхъ врачъ изыщшии явилси  
еси; и вся твоя святая жизнь бысть зрѣніемъ  
всакія добродѣтели. Аще только былъ еси, святче  
Божий, на земли, колики нынѣ еси, на Небеси! Ты  
днесь предстоиши Престолу Света Неприступна-  
го и в немъ, яко в зрѣніи, зриши вся наша нужды и  
прошенія; ты возворяешися якоже со Ангелы, о  
единомъ грѣшникѣ кающемся радующимися. И  
человеколюбіе Божіе есть неистощимо, и твое къ  
Нему дерзновение много, не престани о насъ воинъ  
къ Господу. Испроси предстательствомъ своимъ у  
Всемилостиваго Бога нашего миръ Церкви Его, подъ  
знаменіемъ креста воинствующей, согласіе в верѣ  
и единомудріи, сугумудрія же и расколовъ истреб-  
леніе, утвержденіе во бгалихъ дѣлахъ, болячимъ  
исцеленіе, печальнымъ утѣшеніе, обиженымъ за-  
ступленіе, бѣдствующимъ помощь. Не посрами насъ,  
къ тебѣ съ вѣрою притекающихъ. Аще бо и недостойни  
есмы толького отца и ходатая, но ты, бывъ подра-

жатель человеколѣбія Бѣжія, сотвори нас достѣйны чрез обращеніе от злыхъ делъ к благому житію. Вся богопросвещенная Россія, твоими чудесы исполненная и милостями облагодетельствованная, исповѣдуетъ тя бѣгти своего покровителя и заступника. Яви древнія милости твоѣ и ихже отцемъ спомоществовалъ еси, не отрини и нас, чадъ ихъ, стопами ихъ к тебѣ шествующихъ. Вѣруемъ, яко дѣхомъ намъ соприсутствуеши. Идѣже бо есть Господь, якоже слово Егѣ учитъ насъ, тамо и слуга Егѣ будетъ. Ты вѣрный еси рабъ Господень, и Бѣгу вездѣ сущу, ты в Немъ еси, и Онъ в тебѣ есть, паче же и теломъ с нами еси. Се нетлѣнные и живонѣсныя твоѣ мѣщи, яко сокровище безценное, вручи намъ чудесъ Богъ. Предстояще имъ, яко тебѣ живу сущу, припадаемъ и молимся: прими молѣнія наша и вознеси ихъ на жѣртвенникъ благоутрѣбія Бѣжія, да примемъ тобою благодать и благовременну въ нѣждахъ нашихъ помѣщ. Укрепи наше малодушіе и утверди насъ въ вѣрѣ, да несомнѣнно уповаемъ получитьи вся благая отъ благосердія Владыки молитвами твоими. Паству же твою духовную, тобою собранную, не прѣстани управляти жезломъ духовныхъ мѣдрости: подвизающимся помози, разслабленныхъ возстави, споспѣши ѣго Христовѣ нести въ благодѣшии и терпѣнии и всехъ насъ управи въ мирѣ и покаянии скончати живѣтъ нашъ и преселитися со упованіемъ въ блаженныя недра Авраамова, идѣже ты радостно по трудѣхъ и подвизѣхъ нѣне почиваеши, прославляя со всеми святыми Бѣга, въ Трѣице славимаго, Отца и Сына и Святаго Дѣха. **Аминь.**

**Обретеніе мощей Преподобнаго Сергія Радонежскаго.** Святыя мощи Преподобнаго Сергія, игумена Радонежскаго, были обрѣтены 5 іюля 1422 года, черезъ 30 лѣтъ послѣ его блаженной кончины (†25 сентября 1392). Это событіе совершилось во время возведенія новаго каменнаго Троицкаго собора обители, при преподобномъ игуменѣ Никонѣ (†17 ноября 1426), любимомъ ученикѣ и преемникѣ Преподобнаго Сергія. Преподобный явился во снѣ одному благочестивому мирянину и велѣлъ известить игумена

и братію: «Зачемъ оставляете меня столько времени въ гробѣ, землей покровеннаго, въ водѣ, утѣсняющей тело мое?» И вотъ, при большомъ стеченіи народа, въ присутствіи крестника Преподобнаго Сергія — Звенигородскаго князя Юрія Димитріевича, святыя мощи были изнесены изъ земли, причемъ оказалось, что не только тело, но и одежды Преподобнаго Сергія остались нетлѣнными, хотя гробъ действительно находился въ водѣ. Мощи Преподобнаго были поставлены въ деревянномъ Троицкомъ

храме (ныне на этом месте храм Сошествия Святого Духа), а в 1426 году их перенесли в каменный Троицкий собор, где они пребывают и в настоящее время.

Вот уже шестое столетие не иссякает поток паломников со всех концов нашего Отечества, приходящих к гробнице с мощами великого угодника Божия, печальника и молитвенника за землю Русскую. Если записать все то, что было передумано и пережито здесь сотнями тысяч богомольцев, получилась бы впечатляющая картина духовной жизни русского народа. В обители Преподобного Сергия — сердце нашего Отечества, именно здесь Святая Русь ощущается как единое целое.


Как же сумел смиренный Радонежский подвижник воспринять такую нравственную силу, которая сделала его всероссийским игуменом, Небесным покровителем России?

Может быть, причина тому — его молитвенные подвиги, многообразие его духовных даров — исцеления, прозорливости, утешения и назидания, совета и вразумления? Но ведь были на Руси и до, и после него многие подвижники, облагодатствованные этими дарами Божиими! Почему же именно к Сергиевой обители сходятся нити русской истории?

Причина в том, что Преподобный Сергий был выразителем идеалов Святой Руси, нашего национального духа, нашего истинного патриотизма, в верности которому Россия неодолимо сильна. Преподобный Сергий явился великим воспитателем народа, собирателем народного духа.

Он твердо верил, что наилучшая жизнь на земле — это жизнь по установлениям Неба, в духе Евангельской любви. Идеал такой жизни Преподобный видел во внутреннем, сокровенном бытии Троицеобразного Бога — Отца, Сына и Святого Духа. Для того Преподобный Сергий и основал монастырь во Имя Живоначальной Троицы, «чтобы постоянным взиранием на образ Ее побеждать страх ненавистной розни мира сего».

Следуя исконно русской традиции — убеждать в истине не столько словами, сколько личным примером жизни, Преподобный Сергий всецело посвятил свою жизнь служению Богу. Удалившись в лесную глушь, в непо-



колебимом смирении, неослабной строгости к себе, в постоянных трудах и горячей молитве он очистил себя от малейших приражений греха, соделал свою душу обителью Живоначальной Троицы. И Бог, возвышающий смиренных, сделал его источником спасения многих.

Под руководством Преподобного Сергия был создан монастырь; по благословению Патриарха Константинопольского Филофея, Преподобный Сергий ввел в своей обители общежительный устав. Цель монашеского общежития совпадала с его идеалом — устроить жизнь на земле по Божественным законам, чтобы у многих верующих были единая душа и единое сердце.

Велика сила примера! Русские люди увидели, что в стране, обуреваемой междоусобными раздорами, появилась обитель, где царят смирение и бескорыстная благожелательность, доверчивая простота и нелюдимая любовь. И люди потянулись к обители Живоначальной Троицы, чтобы получить исцеление от своих духовных и телесных недугов, чтобы приобрести Божественной благодати. Преподобный Сергий не отказывал никому в просьбах, он щедро делился своим

духовным сокровищем со всяким приходящим. Он и сам ходил к князьям, чтобы примирить их, чтобы собрать Русь воедино. Сила этого духовного единства явилась очень скоро в Куликовской победе благоверного князя Московского Димитрия Донского. Это был триумф не только русского оружия, но прежде всего русского духа.

Как подлинный выразитель народного духа, верного заветам Святого Православия, Преподобный Сергей оказал благотворное влияние на развитие русской национальной культуры. Сам получивший «книжное разумение» благодаря чудесной помощи свыше, он стал покровителем всех, ищущих истинного просвещения ума и сердца. Невидимые, но прочные духовные нити связывали Преподобного и его учеников с богатым наследием православной Византии. Еще в юности посещал он «Григорьев затвор» Ростовского Кремля, где подвизались греческие иноки; через своего духовного друга — святителя Алексея, близко знакомого с Патриархами Константинопольскими — Каллистом, учеником преподобного Григория Синаита, и Филофеем, учеником святителя Григория Паламы, несомненно, воспринял Преподобный все лучшее из иноческих традиций Афона и Синая. Не случайно один из ближайших учеников Преподобного Сергея — преподобный Афанасий, игумен Высоцкий, был направлен в 1382 году в Константинополь и там двадцать лет провел, изучая и переписывая все лучшее из книжных сокровищ Византии. И впоследствии Троицкая обитель неизменно оставалась средоточием духовного просвещения на Святой Руси. Преподобный Епифаний Премудрый и инок Пахомий Лагофет — составители житий святых, преподобные Максим Грек и архимандрит Дионисий, добросовестно занимавшиеся исправлением Богослужебных книг, старец келарь Авраамий Палицын, Симон Азарьин, Арсений Суханов — талантливые Троицкие иноки-писатели XVII века — таков далеко не полный перечень питомцев школы Преподобного Сергея, потрудившихся на пользу духовного просвещения народа. И в продолжение той же традиции — именно

в Лавре в 1738 году была открыта Троицкая Духовная Семинария, а впоследствии Духовная Академия, переведенная из Москвы в 1814 году.

Жемчужина России, Троице-Сергиева Лавра, и поныне является оплотом русского и вселенского Православия. Настоятелем считается Святейший Патриарх Московский и всея Руси, священноархимандрит Троице-Сергиевой Лавры. Здесь проходят все важнейшие события церковной жизни, здесь располагаются Московские Духовные Школы. А главное: на этом небольшом островке среди многомятежного мира, под покровом Царицы Небесной, обещавшей быть неотступной от места сего, особенно чувствуется умиротворяющее дыхание вечности; именно здесь ощущается, что Отечество — это не только земля, не только поля, реки и горы, но это прежде всего люди, это наши святые отцы, которые рождают нас духовно, те отцы, которые руководят нас в Царствие Небесное.

### Литература

1. Платон (Левшин), митрополит. Житие Преподобного Сергея. М., 1833.
2. Тихонравов Н. С. Древние Жития Сергея Радонежского. М., 1892.
3. Никон, иеромонах. Житие и подвиги Преподобного и Богоносного отца нашего Сергея, игумена Радонежского и всея России Чудотворца. Троице-Сергиева Лавра, 1904.
4. Филарет (Гумилевский), архиепископ. Житие Преподобного Сергея. Пг., 1915.
5. Житие Преподобного Сергея. Списано учеником его священноинком Епифанием. — Богословские труды, сб. 11. М., 1973, с. 216—239.
6. Алексей (Симанский), Патриарх Московский и всея Руси. Слово, произнесенное в день обретения мощей Преподобного Сергея Радонежского 18 июля 1947 года. — В кн.: Алексей, Патриарх Московский и всея Руси. Слова, речи, послания... (1941—1948). М., 1948. Т. I, с. 161—162.
7. Ключевский В. О. Значение Преподобного Сергея Радонежского для русского народа и государства. — Богословский вестник, 1892, № 11, с. 173—189.



8. Голубинский Е. Е. Преподобный Сергий Радонежский и созданная им Троицкая Лавра. М., 1909.

9. Горский А. В. Историческое описание Свято-Троицкой Сергиевой Лавры. М., 1890.

10. Толстой М. В. Ученики Преподобного Сергия Радонежского Чудотворца и основанные ими обители.— Душеполезное чтение, 1877, т. 2, № 6, с. 240—249; № 8, с. 494—500.

11. Троицкий патерик. Под ред. и с предисл. архимандрита Никона. Сергиев Посад, 1896.

12. Филарет (Дроздов), митрополит Московский. Слово в день обретения мощей Преподобного Сергия.— В кн.: Слова и речи синодального члена Филарета, митрополита Московского.

Ч. 2. М., 1844, с. 104—114; 174—186; 187—195; 196—204; 205—214.

13. Феофилакт, игумен. Слово в день 300-летия Московской Духовной Академии.— Журнал Московской Патриархии, 1986, № 3, с. 30—31.

14. Флоренский Павел, священник. Троице-Сергиева Лавра и Россия.— В кн.: Троице-Сергиева Лавра. Сборник. Комиссия по охране памятников искусства и старины Троице-Сергиевой Лавры. Сергиев Посад, 1919, с. 3—29.

15. Андроник, игумен. В день памяти Преподобного Сергия.— Журнал Московской Патриархии, 1986, № 7, с. 36—38.

16. Троице-Сергиева Лавра. 1000-летию Крещения Руси посвящается. Изд. Московской Патриархии. М., 1985.



В  
ТОЙЖЕ  
ДЕНЬ

## Преподобнаго Афанасія Афонскаго А идеже храм Афанасія, творим бдение.

### НА МАЛОЙ ВЕЧЕРНИ

На Господи, возвах: **стихиры на 4, глас 1.**

Подобен: Всехвальный мученицы:

**Б**ожественнаго мира тепл рачитель быв, / сим  
всяку низложил еси демонов силу, / и коварства их умучил еси, / и всяку добродетель соблюл  
еси безнавётно от оных, / хитростей лестных, отче  
Афанасие.

**П**ремудрости лучшее начало страху предложив, / якоже основание непоколебимо / и утверждаемо от него, / Божественныя заповеди соблюл  
еси / и, сими очищая, / просветил еси душу, / неизреченных же сподобился еси / в сердца твоем  
таин, отче Афанасие.

**В** земли не скрыл еси, / тебе даннаго свыше от  
Божественныя благодати таланта, / но предал еси  
и многим инем неизвестно, / богато же Божэ-